



Broj: 02-19-2542/26

Bužim dana, 14.07.2026. godine

Na osnovu člana 5. Odluke o privremenom zauzimanju javnih površina na području Općine Bužim (Službeni glasnik Općine Bužim 7/05) u vezi sa članom 12. Programa korištenja javnih površina na području Općine Bužim (Službeni glasnik Općine Bužim 11/05, 1/07) Općinski načelnik Općine Bužim raspisuje,

JAVNI POZIV
za zauzimanje javnih površina

I

Općina Bužim, poziva sve zainteresirane fizičke i pravne osobe, kao i dosadašnje korisnike javnih površina, da se prijave na Javni poziv za korištenje javnih površina najkasnije do 25.07.2026.godine.

II

Javni poziv se objavljuje za korištenje javne površine, za ljetne bašte, objekte, kioske, tende, štandove, reklamne panoe kao i eventualno druge namjene u skladu sa Odlukom o privremenom zauzimanju javnih površina na području Općine Bužim.

III

Javni poziv se objavljuje za korištenje javnih površina u periodu predviđenom Programom korištenja javnih površina od 04.08. do 15.08.2026. godine u sklopu manifestacije „Slobodarski dani viteškog grada Bužim“ za ljetne bašte ugostiteljskih objekata, tende, suncobrane i vitrine ili hladnjače ispred poslovnih objekata. Postavljanje pomoćnih stolova radi prigodne prodaje cvijeća, knjiga i drugih stvari može se odobriti tokom čitave godine.

IV

Minimalna cijena korištenja zemljišta sa PDV – om po 1 m²/ KM po zonama kako iznosi:

r/b	NAČIN ZAUZIMANJA	NAČIN OBRAČUNA	ZONE (I, II, III)
1.	Postavljanje unificiranih pomoćnih prodajnih stolova radi prigodne prodaje sezonskog cvijeća, novogodišnjih i drugih čestitki, knjiga i sl.	KM/m ² -dnevno	5 3 2
2.	Postavljanje ljetnih ugostiteljskih terasa otvorenog tipa, tendi i suncobrana.	KM/m ² -mjesečno	10 8 4
3.	Držanje vitrina radi izlaganja robe ispred poslovnih prostorija, škrinja za sladoled i sl.	KM/m ² -mjesečno	30 20 10
4.	Postavljanje cirkuskih šatora, luna parkova i sl.	KM/m ² -mjesečno	0,50 0,30 0,20

5.	Postavljanje pokretnih prikolica.	KM/m ² -mjesečno	10	8	6
6.	Zatečeno stanje zauzimanja montažno - demontažnim objektima i postavljanje industrijski proizvedenih kioska.	KM/m ² -mjesečno	15	10	5
7.	Objave, oglasi, reklamni panoi (statički, snop - dijapozitivi, displej i sl. reklamni natpisi i sl.)	KM/m ² -mjesečno	0,20	0,10	0,05

ZONA 1 – OBUHVATA PODRUČJE OBUHVATA REGULACIONOG PLANA „CENTAR“ BUŽIM
ZONA 2 – OBUHVATA PODRUČJE STRUKTURNOG ZONING PLANA BUŽIM
ZONA 3 – OBUHVATA OSTALO PODRUČJE OPĆINE.

V

Prijave se podnose u zatvorenoj koverti sa naznakom : „PRIJAVA – KORIŠTENJE JAVNIH POVRŠINA“ putem protokola Općine Bužim ili putem poštene adresu Općina Bužim, 505. Viteške brigade br. 26, 77245 Bužim, najkasnije do 25.07.2026.godine.

VI

Uz prijavu je potrebno navesti:

- Ime i prezime / naziv firme/ adresu i kontakt telefon podnosioca prijave
- Opis djelatnosti / namjena korištenja površine,
- Zona / lokacija javne površine,
- Dostaviti broj katastarske čestice ili dokaz na osnovu kojeg se može utvrditi tačna lokacija za koji se traži korištenje,
- Izjavu o prihvatanju uslova javnog poziva.

VII

Korisnici javne površine pravna ili fizička lica koji su vlasnici ugostiteljskih radnji ili trgovačkih radnji dužni su u prijavi navesti planirani period korištenja javne površine i površinu (m²) koju planiraju koristiti tokom navedenog perioda ispred objekata u kojima obavljaju djelatnost.

VIII

Služba za prostorno uređenje, geodetske i imovinsko pravne poslove će razmotriti pristigle prijave. Nepotpune i neblagovremene prijave neće se razmatrati.

Ukoliko po ocjeni navedene Službe, određena lokacija nije prihvatljiva sa aspekta bezbjednosti odvijanja motornog i pješačkog saobraćaja, ometa pristup drugim objektima i infrastrukturi, ugrožava zelene površine može obavijestiti podnosioca prijave da nema mogućnosti korištenja navedene javne površine.

Zauzeta javna površina ne smije se koristiti protivno namjeni za koju je izdano rješenje niti se može dati na korištenje drugim licima.

Služba će u slučaju da bude više zahtjeva za istu lokaciju udovoljiti zahtjevu koji ispunjava uslove iz Javnog poziva i koji je ponudio veći iznos naknade za korištenje javne površine.

Učesnicima Javnog poziva koji ispune uslove iz prijave nadležna služba će donijeti rješenje o privremenom korištenju javne površine.

NAPOMENA: U periodu manifestacije Slobodarski dani viteškog grada Bužima 2026. godine (04.08.-15.08.2026.) zauzimanje javnih površina će se odobriti za lokacije u ulici (Asima Bajrektarevića kod Osnovne škole – uz saobraćajnicu) i na dijelovima Trga Alije Izetbegovića kod džamije i to samo postavljanje aparata (kokice, sladoled) ili frižidera na lokaciji koju dodjeli Komisija, dok je na javnim površinama od zgrade suda do skretanja prema zgradi policije moguće postaviti standove izvan trotoara.

POSTAVLJANJE PRODAJNIH STOLOVA, ROŠTILJA, APARATA, UREĐAJA I OPREME ZA PRIPREMU HRANE, TE ZABAVNIH PARKOVA NA PRIVATNIM POSJEDIMA PODLIJEŽE PRIJAVI KOMUNALNE TAKSE KOD NADLEŽNE OPĆINSKE SLUŽBE ZA RAZVOJ I PODUZETNIŠTVO.

IX

Javni poziv će se objaviti na web stranici Općine Bužim i Oglasnoj ploči Općine Bužim.

X

Općina Bužim zadržava pravo da ovaj Javni poziv izmjeni ili poništi bez obaveze obrazlaganja i nema odgovornost prema prijavljenim kandidatima na Javni poziv.

Obradivač:

Predsjednik Komisije:

Ilfad Eminić

Dostavljeno:

1. Oglasna ploča,
2. Web stranica Općine Bužim,
3. a/a



OPĆINSKI NAČELNIK

Mersudin Nanić, dipl.ing.inf.